

Tres manifestos circulan dende hoxe por todo Sabarís e Baiona pedindo a suspensión das [obras de humanización na céntrica rúa Julián Valverde](#)

. Os afectados, veciños, comerciantes e usuarios, solicitan ao Concello de Baiona o aprazamento das mesmas ata despois de rematada a estación estival.

Os escritos serán presentados de xeito individual ante rexistro do Concello por parte de cada cidadán. Os mesmos poden ser descargados en Facebook na [páxina da Asociación de Comerciantes de Sabarís](#).

A mobilización de veciños e comerciantes intenta impedir unha posible desfeita económica e urbanística durante os meses de maior movemento económico e de persoas na zona. O comezo da primeira etapa de humanización da rúa Julián Valverde, cortaría o corazón da vila dende a rotonda da urbanización da Ponte Romana, ao longo de toda a estrada ata o seu pazo pola Ferretería Cruz Roja.

Os traballos están previstos de comezar nos próximos días polo Concello e Extraco, empresa adxudicataria dos mesmos. Cun investimento de 1.043.104 euros a o prazo de execución está previsto en sete meses.